



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput VI. Subjectum & objectum dominii.

[urn:nbn:de:hbz:466:1-73203](#)

cum contrarium afferat his verbis: *In rebus usū consumptibus . . . per usum vel abusum usuarii, substantia talis rei esse definit, & per consequens proprietas eiusam inutilis non subsistit.* Solum proinde velle, quod rem illam consumentes, domini sunt ipsius consumptionis, seu actus quo consumitur. Quia (ut ait) *aetus ipse utendi ad utentem pertinet, in quantum quis suorum actuum per liberum arbitriam & voluntatem dominus dicitur . . . non autem aetus ille intendi ad eum pertinet, qui concedit alii, quod in re sua actum illum valeat exercere.*

Respondeo 3°. Joannem quidem XXII. sustinuisse, quod Fratres Minores esse nequeant simplices usuarii rerum, quae unico usu consumuntur; quia quod in talibus rebus usus juris vel facti separatus à proprietate rei, seu domino, possit constitui, repugnat iuri, & obviat ratione; id tamen ex fidei principiis non intulisse, sed ex apicibus juris civilis, & visu fibratione humana. Id proinde ut fide certum ex Cathedra ut Pontificem non definiisse (prout ipse fatetur) sed ut Doctorem argumentando & disputando (prout ex contextu liquido constat) opinionem suam per modum praembuli declarasse, ut viam sterneret certis ordinationibus quas auctoritate Pontificia sub finem extrav. ad conditorem facere disponebat, easque contra invidiam præmuniret. Quarum ordinationum una fuit, quod in bonis, quae FF. Minoribus præstarentur, nullum jus, seu dominium Romanæ Ecclesiæ acquireretur, in vim Constitutionum à suis Prædecessoribus editarum, exceptis Ecclesiis, Oratoriis, officinis, libris, & vestibus divinis Officiis dedicatis, vel dedicandis. Altera, quod nullus deinceps à quocquam, Papæ nomine, constitueretur Procurator sanctæ Romanae Ecclesiæ, pro recipiendis, extorquendis, defendendis, seu administrandis bonis, quæ imposterum Fratribus prædictis obvenire contingere.

60 Respondeo 4°. Joannem XXII. sua dicta, disputata, & statuta finaliter submisisse determinationi Successorum suorum, in Diplomate ne super iis, dato Avenione 3. nonas Decembri anno decimo-nono sui Pontificatus, prout refert Wadingus ad annum 1333. cuius Diplomatis instrumentum authenticum, Notarii publici manu subscriptum, habere se testatus est Marchantius ubi supra fundam. 10. §. 5.

CAPUT VI.

Subjectum & objectum dominii.

61 Solam naturam rationalem dominii capaces esse, constat ex definitione quâ dominum definitur, facultas disponendi de retamquam sua, &c. cuiusmodi dispositio libertatem supponit, quæ est in sola natura rationali. Deus proinde, Angelus, & homo, capaces sunt dominii. Etiam homo nondum rationis usum adeptus. Quia agnatam habet

libertatem, radicalemque potestatem (licet per accidens impediatam) de retamquam sua disponendi. Unde Galat. 4. *Hares, quanto tempore parvulus est, nihil differt à servo, cum sit dominus omnium.*

Quæritur an & quale dominium competit servis & filiis-familias? Respondeo servos, vulgo mancipia, de jure communi, seu legum dispositione, dominos non esse rerum temporalium, benè famæ sue, circa quam proinde injuria propriæ dicta ipsi potest inferri, etiam a dominis, sicut & in vita, cuius licet non sint domini, ius tamen habent ad illius conservationem, nec in vita & fama considerantur ut servi, sed ut homines.

62 In certis etiam casibus domini efficiuntur rerum temporalium. Primò ex tacito vel expresso domini consensu. Secundò, si res donetur servo eâ conditione ut ipsius, non domini, cedat dominio. De hoc tamen disputatur. Tertiò, si aliquid ipsi donetur in compensationem injuria ei illatae, v.g. per iustam diffamationem, vel mutilationem. Quartò, si de necessariis ad sustentationem maliquid sibi subtrahant, vel ultra operas à domino impositas, aliquid operentur mercede dignum.

Quoad filios-familias, id est adhuc sub 64 patria potestate constitutos, quæstio de tricilibus bonis esse potest, nimirum 1°. de castris, & quasi castris. Castris sunt, quæ in militia, vel occasione illius acquisita sunt. Quasi castris, quæ acquisita sunt ratione militiæ sacrae, ratione beneficii ecclesiastici, vel officii Judicis, Advocati, Magistri, &c. Horum bonorum filii-familias plenum habent dominium & administrationem.

65 2°. de bonis profectitiis, id est quæ à patre adhuc vivente proficiscuntur, vel patris causâ filii dantur. Et istorum nec dominium directum habent, nec indirectum.

3°. de adventitiis, id est quæ propriâ industriâ, extra militiam sacram vel profanam, filii acquirunt, v.g. negotiando ex pecuniis mutuo acceptis, vel quæ filii obveniunt per donationem alio quam patris respectu factam, vel quæ fortuitò ab aliis derelicta inveniunt. Et horum dominium habent directum, sed non administrationem, nec usum-fructum, nisi aliud obtineat loci consuetudo, vel pater administrationi renuntiet, vel bona illa filii donentur cum conditione, quod usum-fructus patri non obveniet, &c.

Solet etiam quæri, an Religiosi esse quicunque 67 temporalium domini, & an Clerici sunt domini bonorum beneficialium, patrimonialiumque, & quasi patrimonialium?

Ad 1. respondeo paupertatem religiosam 68 ex se non excludere dominium in communi, sed in particulari dumtaxat, ideoque Religiosos soleminiter professos, esse incapaces dominii in particulari rerum temporalium, cap. cum ad Monasterium de statu Monach. pec-

care proinde exercendo aliquos dominii actus donando, recipiendo, utendo, retinendo, &c. independenter à voluntate Superioris. Votum tamen religiosæ paupertatis non solemnne, cum domino in particulari consistere in Scholasticis & Coadjutoribus Societatis, juxta Bullam Gregorii XIII. *ascendente Domino*. Peccant tamen ipsi contra votum paupertatis, independenter à voluntate Superioris, disponendo de rebus domino suo subiectis; tametsi valida sit dispositio, juxta Cardinalem de Lugo, eò quod nulla lex proferatur quæ ipsam invalidam reddat.

69 Ad 2. respondeo, Clericos esse dominos bonorum patrimonialium, & quasi patrimonialium, non beneficialium, seu ecclesiasticorum. Vide hoc sufficienter probatum l. 4. c. 29. & 30. Inter bone tamen quasi patrimonialia Vallenfis ad titulum de pecul. Cleric. a. 5. non bene computat ea quæ Clerici acquirunt celebrando, concionando, confessiones excipiendo, Vicariae temporali deserviendo, seu alias actiones spirituales & ecclesiasticas exercendo. Quare enim de iis pro libitu, uti de patrimonialibus, magis disponere possent, quam de beneficialibus? Quia (inquit) illa dantur Clericis in mercedem laboris, seu servitii & opera personalis praestitæ. Verum etiam beneficialia dantur pro labore, servitio, & opera personali. Sicut decimæ filii Levi olim datae fuerunt in possessionem pro ministerio quo serviant *mibi in tabernaculo fæderis*, ut dicitur Num. 18. Et idipsum Dominus insinuat, cum dicit: *Dignus est operarius mercede sua. Hoc est* (inquit Theophylactus) *à discipulis pascimenti, debebunt enim hoc vobis ut operariis.* Nec certè dignam honorario Missæ idæam imprimunt, qui illud, quasi profanum, quasi patrimonialibus accentent, non ecclesiasticis bonis. Sacrorum itaque stipendum non in mercedem sacrificii, sed in sustentationem cedit Ecclesiæ Ministris, velut pia populi oblatio, quemadmodum decimæ, aliaque fidelium oblata, eaque Ecclesiæ intuitu Sacerdotes accipiunt: cum ea accipient propter ecclesiastica munia, non propter profanæ, non secundum alios Ecclesiæ proutus. Videri possunt Boëtius Epo, olim Duaci Canonum primarius Antecessor ad cap. 1. de testamentis n. 80. Van Espen de simonia & pensionibus ecclesiasticis p. 1. c. 7. §. 4. Huygenius in observat. brevib. de prudent. & justit. c. 10.

70 Haec tamen de dominii subiecto, nunc de dominii objecto dicimus 1°. dominium quidem rerum temporalium homini sub supremo rerum omnium Domino competere, juxta illud Genes. 1. *Dominamini piscibus maris.* Et Ps. 8. *Omnia subiecti sub pedibus ejus.* 2°. hominem etiam cadere post sub dominium alterius hominis, uti docet Augustinus lib. 19. de Civit. Dei cap. 15. colligaturque tam ex veteri, quam novo Testa-

mento, ubi statuitur quomodo domini se habere debeant ad servos; necnon ex historiis, in quibus legitur, viros justos habuisse servos, etiam Christianos in novo Testamento. Quod & constat ex plurimis tabulis donationum Ecclesiarum & Monasteriorum, in quibus mentio fit mancipiorum, donatorum ad servitium locorum illorum. In codice etiam donationum Miræ legitur, Christianos olim Christiana habuisse mancipia; licet hoc in usu esse desierit, saltem in Gallia & Belgio. Sic tamen non fuisse, si homo non peccasset. Quia servitus est penalis & mihiæ; solo proinde peccato introducta, prout Augustinus ostendit loco citato. Dominium tamen illud non cadit in viam servi, ut proximè videbitur, sed in personam & operas dumtaxat.

3°. solum Deum esse Dominum vita 71 & membrorum hominis, juxta illud: *Tu es Domine, qui vita & mortis habes potestatem.* Sap. 16. Et Deuteron. 32. *Ego occidam, & ego vivere faciam, &c.* Unde homo hominem occidere non potest, nisi Dei autoritate. Nec Sampsonem, qui seipsum intererit, aliter S. Augustinus excusat, nisi quia Deo vel jubente, vel interius excitante id fecit; sicut & Sancti, qui seipso in ignem vel flumen iniecserunt, & ab Ecclesia ut martyres honorantur.

4°. hominem esse aliquo modo dominum famæ suæ: utpote quam proprio studio, virtute, & labore acquirit, ablataque, tamquam suam, in judicio repetit, cuius & detrimentum ex justa causa pati potest, famæque ablata restitutionem detraetori condonare, juxta illud sancti Thomæ 2. 2. q. 73. a. 4. ad 1. *In arbitrio ministris que est, pati detrimentum sua fama, nisi id vergat in alterius documentum, v. g. documentum fidei, vel aliorum infamiam (ut quando ex fama nostra pendet fama aliorum) vel nisi absque bona fama idonei non sumus ad ea quæ officii nostri sunt, vel denique nisi ex non defensione famæ nostra alii graviter scandalizarentur, vel veritas, aut iustitia, seu etiam vita nostra periclitaretur.*

C A P U T VII.

Error est mundanorum hominum, divina Scriptura, ac sanctorum Patrum Theologia contrarius, putare usque adeo absolutum, illimitatumque esse divitium dominium in ea quæ superfluum convenienti sustentationi familiæ & status sui, ut ipsis licetum sit divitias sine termino appetere, in status sui augmentum congregare, & in quocumque usus pro libitu expendere.

N Am quod ad divinam attinet Scripturam, Ia. 5. dicitur: *Væ qui conjugitis domum ad domum, & agrum agro copulatis, usque ad terminum loci: nimirum habitabitis vos soli in medio terra?* Et 1. Timoth. 6. Haben-